

- [Uutiset](#)
- [Sápmi](#)

[Sápmi](#) 1.12.2016 klo 7:00

## SámiSoster -searvvi Lihkas-juovlakaleandar álgá duorastaga

**Juovlakaleandaris rávvejit iešgudetlágan valáštallanlihkastagaid beaivválaččat, muitala SámiSostera bargi Saara Ketola. SámiSostera Buorre boahhteáigi - prošeavtta Facebook-siidduide bohtet valáštallanrávvagat.**

•



Ihttin álgá boazodolliide oáivvilduvvon Lihkas-Juovlakaleandar.  
Govva: Sámisoster Minna Näkkäljärvi / Yle



Ii fá! velohallat skohtera nalde, báicce lovttohallat julggiid ja vehá trenet. Govva: Sámisoster

Movttegis, Buorre Boahhteáigi prošeaktahoavda Saara Ketola lea fas hutkan ođđa goansta lihkadahttit boazodolliid. Lihkas-juovlakaleandar rahpá juohke beaivve ovttá videofilmmáža juovlamánu 1. beaivve rájes, gitta juovlaruohta rádjái. Dain filmmážiin son čájeha lihkadeamiid maid boazodoallit sáhttet meahcis dahkat, vai deahkit bissot ortnegis, eaige leat nu bákčas eahkes.

– Juohke beaivái lean dahkan ovttá lihkastaga ja ovttá fanahallama. Mun lean nie smiehttan, ahte boazodoallit go ollu vudjet, ja botnjet skohteriid de dakkár lihkastagaid dahkan, ahte jus leat váikko

giihkánasttan ja ii oainne maidege, de sáhtát dán lihkastaga dahkat ja áin joatkit mátkki, muitala Saara Ketola movttegit juovlakalendarfilmmážiid sisdoalu birra.



Skohter lea buorre trenemii: dás Saara čájeha mot sáhtát "steppemin" trenet julggiid  
Govva: Sámisoster

Iežasiige Saara Ketolai hástalus lea leamašan filbmehit iežas ja dahkat daid lihkastagaid. Son vuordáge dan, ahte makkár máhcahaga dain filmmain oažžu.

Liikomiin Buorre Boahhteáigi -prošeavtta facebook-siiddu, beasat guovlat dán erenomaš juovlakalendaris lihkadanrávvagiid.

## **Juovlakalendaris lihkadit boazomeahcis**



Girdnus gánneha muhtumin fánahit gieđaid váikko ná Govva: Sámisoster

Saara Ketola láve guldalit boazodolliid ságaid, go sii lohket, ahte galggalii lihkadit ja livččii gal buorre lihkadit. Muhto duohtavuohtas boazodolliin ii oro leamen astu meahcis lihkadit. Losses vuodjinbeaivve áigge livččii buorre lihkadit ja vel eahkes fanahallat, go boahotá ruoktot.

– Dál mun dolvon dán lihkadeami meahccái ja girdnui, ahte dat dego oidnet, ahte sáhttet lihkadit goas beare, vaikko muoraid luddomis. Doaivumis muhtin lihkastagat báhcet muhtin boazo-olbmuide millii ja sii dahket daid maŋŋeleabbosge, sávva Ketola.



Sámisostera Boazodolliid buresvedjin Buorre Boahtteáigi nammásaš prošeavtta jodiheaddji Saara Ketola sávvá buot boazo-olbmaide Buriid lihkada Juovllaid ! Govva: Minna Näkkäljärvi / Yle

Dál ii earágo boazodollit čuoggut meahcevuodjinreissuin Buorre Boahtteáigi- facebook siiddu.

– Dásanai lea buorre go lea galbmome, de ii iežago álgit lihkadit, de lieggana, ávžžuha vel Saara Ketola boazodolliid geahččat Lihkas-juovlakaleandara ja gávdnát justá iežasii buriid lihkadanvugiid meahccái.

[Guldal lasi Lihkas-Juovlakaleandara birra !](#)

[Lihkas-Juovlakaleandara gávnnat dáppe](#)

-  [Rosa-Máren Magga](#) Yle
-  [Minna Näkkäljärvi](#) Yle